

程

宋岳珂著

史

下

進步書局校印



程史卷第九

宋 相臺岳珂

裕陵年十三居于濮邸一日正晝憩便寢英祖忽顧問何在左右褰帳方見偃卧有紫氣自鼻中出盤旋如香篆大駭亟以聞英祖笑曰勿視也後三年亦以在寢寤驚歛聖請其故曰方熟寐忽覺身在雲表有二神人捧足以登天是以噤鼻既而果登大寶元祐元年三月十四日詔錄聖瑞之祥付宗正寺

內黃傳珏者以財雄大名父世隆決科為二千石珏不力於學升鵬碌碌下僚獨能知人嘗坐都市閱公卿車騎之過者言它日位所至無毫髮差初不能相術每曰子自得於心亦不能解也嘗寓北海王沂公曾始就鄉舉珏偶俟其姻于林間走外適之明日以雙筆要而遺之曰公必冠多士位宰相它日無相忘聞者皆笑珏不為作遂定交傾貲以助其用沂公賴之既而如言故沂公與其二弟以兄事之終身不少替前輩風誼凜凜固可敬而珏之識亦未易多得也珏死明道間官止右班殿直監博州酒其孫獻簡克俞元祐中為中書侍郎自誌其墓余舊嘗見前輩所記與誌微不同

歐陽文忠知貢舉省闈故事士子有疑許上請文忠方以復古道自任將明告之以崇雅黜浮期以丕變文格蓋至日是猶有喋喋弗去者過晡稍聞矣方與諸公酌酒賦詩士又有扣簾梅聖俞怒曰漬則不告當勿對文忠不可竟出應鵠袍環立觀所問士忽前曰諸生欲用堯舜字而疑其為一事或二事惟先生幸教之觀者聞然笑文忠不動色徐曰似此疑事誠恐其誤但不必用可也內外又一笑它日每為學者言必感類及之一時傳以為雅謔余按東齋記事指為楊文公而徒問其為幾時人歲遠傳疑未知孰是然是舉也實得東坡先生識者謂不啻足為詞場刷恥矣彼士何嗤

金國偽正隆丁丑春二月逆亮御武德殿召其臣吏部尚書李通刑部尚書胡勵翰林直學士蕭廉賜坐而語之曰朕自即位視閱章奏治宮中事常至丙夜始御內寢時昔之夜方就榻恍惚如親覲有二青衣持幢節自天降授朕以幅紙若牒謂上帝有宣命朕再拜受遂佩弓矢具鑿鑿將從之前而朕常所御小驢號小將軍者儵已輕勒待墀下青衣揖就駢既行但覺雲霧勃鬱起馬蹄間下如海濤洶湧方覺心恃望一門正開金碧焜耀青衣指之曰天門也朕隨入焉又里許至鈞天之宮嚴邃宏

麗光明奪目。朕意欲馳二金甲人謂朕曰：此非人間，可下馬步入。及殿下垂簾，若有
所待，須臾有朱衣出贊拜。髻髻聞殿上語，如嬰兒使青衣傳宣，畀朕曰：天策上將令
征某國，朕伏而謝，出復就馬。見兵如鬼者，左右前後杳無邊際，發一矢射之，萬鬼齊
咤，聲如震雷，驚而寤。咤猶不絕於耳。朕立遣內侍至廐視小將軍，喘汗雨決，取箭籠
數之，亦亡其一矣。昭應如此，豈天假手於我，令混江南之車書乎？方與卿等圖之，謹
無洩，眾皆稱賀。於是始萌芽南牧之議矣。明年夏五月，復召通及翰林學士承旨翟
永固、宣徽使敬嗣暉、翰林直學士韓汝嘉入見薰風殿，問曰：朕欲還都于汴，遂以伐
宋使海內一統，卿意如何？通以天時人事不可失機為對。亮大悅，永固却立楹間，亮
顧見之，問之故。徐進曰：臣有愚慮，請彈一得本朝自海上造邦，民未見德，而黠兵是
聞，皇統亦知其不戢之自焚也。故雖如梁王之武毅，猶以和為長策。今宋室偏安，天
命未改，金繒締好，歲事無闕，遽欲出無名之師，以事遠征，臣竊以為未便。兼中都始
成，未及數載，帑藏虛乏，丁壯疲瘁，營汙而居，是欲竭根本富庶之力，以繕爭戰丘墟
之地，尤為非宜。臣事陛下，不敢不以正對。因伏地請死。亮以問暉、汝嘉，暉是通，汝嘉
是永固。亮大怒，拂袖起，傳宣二臣殿側聽旨。繼而召翰林待制蔡戡講漢史，戡及陸

賈新語事亮怒稍霽乃赦之明日通為右丞暉為叅知政事永固遂請老又明年左丞相張浩及暉與叛臣孔彥舟內侍梁漢臣卒營汴焉帝貶之禍實昉此汝嘉又二年來盱眙傳命諭卻我使人徐壽等歸而微諫竟不免戮余讀張棟正隆事迹博考它記而得其顛末熊克中興小曆書於紹興二十八年者蓋誤以薰風之事合於武德云梁王者大酋兀术之封李大諒征蒙記謂嘗追冊以帝號按紹興辛巳高景山來求淮漢地指初畫疆事亦以為梁王要當以國中通言者為正

虞雍公

允文以西掖贊督議既卻逆亮於采石還至金陵謁葉樞密義問于玉帳留

鑰張忠定

及幕屬馮校書

方洪檢詳適在焉相與勞問江上戰拒之詳天風欲雪

因留卯飲酒方行流星警報沓至蓋亮已憊前岫將改圖瓜洲坐上皆恐謂其必致怨於我也時劉武忠到京口病且亟度未必可倚議遣幕府合謀支敵取以雍公新立功咸屬目葉四顧久之酌卮醪以前曰馮洪二君雖參帷幄實未履行陣舍人咸名方新士卒相望勉為國家卒此勲業義問與有賴焉雍公受卮起立曰某去則不妨然記得一小話敢為都督誦之昔有人得一鼃欲烹而食之不忍當殺生之名乃燂大使奎水百沸橫篠為橋與鼃約曰能渡此則活汝鼃知主人以計取之勉力

肥沙僅能一渡主人曰汝能渡橋甚善更為我渡一遭我欲觀之僕之此行無乃類是乎席上皆笑已而雍公竟如鎮江亮不克渡而裁自此簡上知馴致魁柄鼈渡本諺語以為蟹其義則同

宣和將伐燕用其降人馬植之謀由登萊航海以使于女真約盡取遼地而分之于女玉帛歸女真土地歸我議既定矣宇文肅愍虛中在西掖昌言開邊之非策論事疊疊王黼惡之及童貫蔡攸以宣威建臺遂使之參謀意欲涸以同浴且窒其口時有旨兵興避事皆從軍法肅愍不得免乃上書極諫曰臣伏觀陛下恢廣聖英武之畧紹祖宗之貽謀將舉仁義之師復燕雲之故境不以臣愚不肯使參預機密臣被命之初意謂朝廷未有定議欲命臣經度相視其事及至河北諸路見朝廷命將帥調兵旅厲器械轉移錢糧已有擇日定舉之說臣既與軍政苟有所見豈敢隱嘿輒具利害仰干淵聽臣聞用兵之策必先計強弱虛實知彼知己以圖萬全今論財用之多寡指宣撫司所置便為財用有餘若沿邊諸郡帶藏空虛廩食不繼則畧而不問論士卒之強弱視宣撫司所駐便言兵甲精銳若沿邊諸郡士不練習武備利鈍則置而不講夫邊圉無應敵之具軍府無數日之糧雖孫吳復生亦未可舉師是在

我者未有萬全之策也用兵之道禦攻者易攻人者難守城者易攻城者難守者在內而攻者在外在內為主而常逸在外為客而常勞逸者必安勞者必危今宣撫司兵約有六萬邊鄙可用不過數千契丹九大王邪律淳者智畧輻湊素得士心國主委任信而不疑今欲亟進兵於燕城之下使契丹自西山以輕兵絕吾糧道又自營平以重兵壓我營壘我之糧道不繼而邪律淳者激厲眾心堅城自守則我亦危殆矣是在彼者未有必勝之兆也夫在我無萬全之策在彼亦未可必勝茲事一舉乃安危存亡之所繫豈可輕議乎且中國與契丹講和今踰百年間有貪憚不過欲得關南十縣而止耳間有傲慢不過對中國使人稍虧禮節而止耳自女真侵削以來嚮慕本朝一切恭順今捨恭順之契丹不封植拯救為我藩籬而遠踰海外引强悍之女真以為鄰國彼既藉百勝之勢虛喝驕矜不可以禮義服也不可以言說諭也視中國與契丹拏兵不止鏖戰不解勝負未決強弱未分持卞莊兩闕之說引兵踰古北口撫有恃桀之眾繫累契丹君臣雄據朔漠貪心不止越逸疆圉憑陵中夏以百年怠愒之兵而當新銳難敵之虜以寡謀持重久安閒逸之將而角逐於血肉之林巧拙異謀勇怯異勢臣恐中國之邊患未有甯息之期也譬猶富人有一萬金之產

與寒士為鄰欲肆并吞以廣其居乃引強盜而謀曰彼之所處汝居其半彼之所蓄汝取其全強盜從之寒士既亡雖有萬金之富日為切鄰強盜所窺欲一夕高枕安臥其可得乎愚見竊以為確喻望陛下思祖宗創業之艱難念鄰域百年之盟好下臣此章使百寮廷議儻臣言可採乞降詔旨罷將帥還朝無滋邊隙俾中國衣冠禮義之俗永觀昇平天下幸甚臣冒昧盡言不任戰慄書下三省翻讀之大怒据以他事除集英殿修撰督戰益急而北事始不可收拾矣遼又有降將曰郭藥師統其卒曰常勝軍怙寵負眾漸桀驁不可馴肅愍憂之力言于朝請以恩禮留之京師盡使挈致家屬居于賜第緩急有用只以單騎遣行事畢即歸以杜後患亦弗聽既而金人寒盟藥師首叛粘罕遂犯太原肅愍以宣諭使事歸奏徽祖見之歎曰王黼不用卿封殖契丹以為藩籬之議是以有此是日遂詔於榻前草詔罪已大革弊政其畧曰百姓怨懟而朕不知上天震怒而朕不悟令下人心大悅識者以此陸贄感泣山東之詔云植之歸以童貫先改姓名李良嗣後賜國姓靖康初伏誅藥師仕金至安邦鎮國功臣其子亦顯

高皇毓聖中原得西北之正氣夙賦充實自少至耄未嘗用溫劑每小不怡輒進獨

毒圓數百一以羌花大黃大戰為主侍醫縮頸而上服之自如有王涇者以技進侈言勇往居之不作間奉主七先意持論自詭無傷孝宗素危之屢詰責要以禍福弗之顧得熙下未聖壽踰八齡矣一日進餽飽覺胸膈欬墜涇猶主前藥既投而不支遂以大漸孝宗震怒立詔誅之慈福要上苦諫薄不獲已減死黥滿杖脊朝天門中使涇馬方覲其速斃涇貨五伯下其手卒得活初巨醫王繼先幸紹興始用是取驗孝宗在朱邸危蹕視師至建康館泰檜故第史文惠為講官實從行燕之正堂而命莊文肅曾龍于後園孝宗樂飲以碼碯觥者十一因游于園二臣復各獻一卮復三日屬疾高皇賜藥使內侍視之服文惠聞之疑其為蠱毒亟袖人參圓入問而信遂竊易之僅瘳是日微文惠幾殆高皇蓋主此而不知南北之異稟也涇祖繼先之緒餘株守不變是以敗云

憲聖后在慈福慶元丁巳朝廷方卜郊而后不豫始猶自強起曰上始郊不可以吾故涇喬思救左右勿奏十一月乙巳還御端門肆眚竣事趣駕至宮而大漸矣先是旬日忽寢疾侍醫進藥輒卻之咸請其故喟然曰吾壽八秩而以醫累人邪意德王涇之得罪也故廟諡之議曰卻藥輟進務全護醫蓋紀實云京魏公鉉時當執嘗親

為客言。慈聖所謂只此日去。免煩他百官。其達死生之變。真若出一揆也。

慶元間有宿儒以文名入。鼂掖為承旨。朝議謂且大用。會韓平原有歸子曰。諱先鈴。吳門兵時出。妾方娠。驚當湖巨室魯氏。得男焉。諱也。既貴。無他子。遂以重幣請于魯。而歸之。始至而平原適有恩制。當降麻。偶不詳知。遂於廷綸中。用魯公拜後事。意蓋指忠獻耳。有欲進者忌之。摘其語。謂含譏刺。平原讀之。見其姓之偶符。大怒。不踰月。遂去國。終其身不復用。當其下筆時。初不自覺轉喉之觸。謂禍福不可以智力勝。當於此乎占之。

熙甯七年四月。王荊公罷相。鎮金陵。是秋江左大蝗。有無名子題詩實心亭曰。青苗免役兩妨農。天下嗷嗷怨相公。惟有蝗蟲感恩德。又隨鈞旆過江東。荊公一日餞客至亭上。覽之。不悅。命左右物色。竟莫知其為何人也。

艮嶽初建。諸巨璫爭出新意。事土木。既宏麗矣。獨念四方所貢珍禽之在園者。不能盡馴。有市人薛翁。素以叅擾為優場戲。請于童貫。願役其間。許之。乃日集輿衛。鳴蹕張黃屋以游。至則以巨枰貯肉炙梁米。翁傲禽鳴。以致其類。既乃飽飲翔泳。聽其去來月餘。而園者四集。不假鳴而致。益狎玩。立鞭扇間。不復畏。遂自命局曰。來儀所招。

四方籠畜者置官司以總之一曰徽祖幸是山聞清道聲望而羣翔者數萬焉翁輒先以牙牌奏道左曰萬歲山瑞禽迎駕上顧周測大喜命以官資予加厚靖康圍城之際有詔許捕馴繫者皆不去民徒手得之以充餐云

宇文忠惠

紹節

在樞府余間見焉因及五行之理相與縱譚有客在坐偶曰黥醫王

涇者昨鞭背都市流遠方及平原用事始得歸稍叙故扶自言元不曾受杖嘗袒而示某以背完瑩無疵初不解其如何也後見他醫言杖皆有癰惟噬膚之初傳以金箔則癰立消意金木之性相制耳忠惠笑曰昔人有以胝足之藥售于市者輒揭扁於門曰供御或笑其不根聞于上召而罪之既而宥其愚及出乃復增四字曰曾經宣喚今此方無乃其比邪子將誰售客亦笑不敢應時忠惠未識涇也其二年余在里下聞忠惠不起為位以哭及都人來廼云涇實用蠲毒瀉足疾以致大故朝廷知之再命追涇所復官免杖流水興余因憶在京華時傳著作行簡姚胃丞師皋皆甘涇餌目擊其殞著作未啓手足猶進一刀圭不脫口而逝余一日隨班景靈見胃丞殿門下云痰癖新愈因相勞苦則曰王御醫實生我癖去矣痰下者數斗今顧痰亦他則無恙余聞而私憂之謂未必能勝未旬果卒嗟夫醫之害如此哉追思疇昔之

言為之流涕并志願末以悼其庸

余穉年入閩過福聞有黑虎王醫師者富甲一郡問之則繼先之別名也繼先世業醫其大父居京師以黑虎丹自名因號黑虎王家及繼先幸於高宗積官留後通國稱為醫師雖貶猶得麗於稱謂焉初秦檜擅權而未張頗賂上左右以固寵繼先實表裏之當其盛時勢焰與檜爭大張去為而下不論也諸大帥宰相與父事王勝在偏校因韓蘄王以求見首願為養子遂師金陵軍聞者爭傲不以為怪檜欲貴其姍族不自言每請進繼先之黨與官繼先亦乘間為檜請諸子至列延閣金紫盈門拊顧昧謝攘市便腹抑民子女為妾侍罪不可勝紀而依憑城社中外不敢議者三十年紹興辛巳六月蜀人杜莘老為南牀擬擊之而未發會邊釁啟繼先首輦重寶為南進計都城為之騷然上聞之不樂劉武忠鈞帥京口請以先發制人之策決用兵上意猶隱忍不決亶欲以兵應繼先素怯猶幸和議之堅以竊安因間言于上曰邊鄙本無事蓋新進用主兵官好作弗靖欲邀功耳各斬一二人和可復固上不答徐謂侍貂曰是我欲斬劉錡邪於是素軋其下而不得逞者頗漫潤及之矣逆亮索我大臣廷遣徐嘉張掄往聘亮以非指使諫議大夫韓汝嘉至盱眙止之更令遣所索

奏至上過在劉娘奸閤當饋飯娘奸怪之問諸侍貂而得其跡進說寬譬頗與繼先之言符上大驚問曰汝安得此娘奸不能隱具以所聞對遂益怒丁未詔娘奸歸別第革老遂上疏列其十罪初進讀玉色猶怫然革老扣榻曰臣以執法事陛下不能去一醫死不敢退猶未許因密言外議謂繼先以左道幸恐謗議叢起臣且不忍聽上始變色首肯罷朝使宣旨曰朕以顯仁餌汝藥故假爾寵今言者如此當不復有面目見朕期三日有施行其自圖之辛亥遂詔繼先居于楮子孫勒停都城田宅皆沒官奴婢之強鬻者從便令下中外大悅繼先以先事聞詔多藏逋徙故雖籍不害其富也迄今其故居華棟連甍猶號巨室一傳而子弟蕩析至不能家或者謂其致不以道宜於厚亡趙牲之作中興遺史載繼先始末極詳參以所聞而著其事

程史卷第十

宋 相臺岳珂

建中靖國初徽祖自藩王入繼大統虛心納諫弊政大革海內顯想庶幾慶曆元祐之治曾文肅為相頗右紹述諫官陳祐六疏劾之不從賜罷綸言以觀望推引責之右司諫江公望聞而求對面請其故上曰祐意在逐布引李清臣為相耳公望言臣不知其他但近者易言官者三逐諫官者七非朝廷美事因袖疏力言豐祐政事得失且曰陛下若自分彼此必且起禍亂之源上意感格危從之矣會前太學博士范致廣上書言太學取士法不當變且言臣讀聖製泰陵挽章曰同紹裕陵尊此陛下孝弟之本心也臣願守此而已時黃冠初盛范因右街道錄徐知常以其姓名聞禁中且陳平日趨向謂非相蔡京不可上幡然亟召見曰朕且不次用卿遂除右正言繞供職首論二事其一言神宗一代之史非紹聖無以察正元祐之誠謗今復詔參修是紛更也願令史官條具紹聖之所以掩蔽者示天下其二言元祐置訴理所以雪先朝得罪之人紹聖命安享蹇序辰駁正固當然耳二人乃坐除名如此則訴理為是矣夫二臣之罪不除則兩朝之謗終在疏奏上益嚮之於是國論始決是秋江

以論蔡卞獄責知淮陽軍范馴致尚書左丞云

徽祖居端邸時藝文之暇頗好馴養禽獸以供玩及即位貂璫奉承羅致稍廣江公望在諫省聞之亟諫上大悅即日詔內鑾盡縱勿復留殿中有一鵬蓄久而馴不肯去上親以麈尾逐之迄不離左右乃刻公望姓名于麈柄曰朕以旌直也及江去國享上之論興漫淫及于良嶽矣都城廣莫秋風夜靜禽獸之聲四徹宛如郊野識者以為不祥益思江之忠焉

劉蘊古燕人也逆亮將南寇使之偽降以覘國而無以得吾柄乃以首飾販鬻往來壽春頗言兩國事見淮賈輒流涕曰予何時見天日邪因縱譚亮國虛實以啗朝廷自詭苟見用取中原滅大金直易事耳邊臣不疑密以名聞時兵燹已啟詔許引接至行都首言其二弟在北皆登巍科惟己兩薦禮部而未第因謀南歸以成功名當國者喜之遂授迪功郎浙西帥司準備差遣時紹興三十一年九月癸巳也蘊古猶不厭意日強聒于朝辯舌泉涌廷臣咸奇之會亮誅未得間以北繼改京秩為鄂倅隆興初元三月濠梁奏北方游手萬餘人應募欲以營田蘊古聞而有請願得自將以與虜角毋使徒老耄粗間左揆陳文正參預張忠定同知辛簡穆咸是之次相史

文惠獨不可曰是必姦人來為虜間國家隄防稍密不得施其伎欲姑以此萬人藉手反國耳諸公雜然謂逆許文惠顧行首吏召之曰俟其來當可見也相與坐堂中俟久之至文惠迎謂曰昔樊噲欲以十萬眾橫行匈奴中議者猶以為可斬子得萬烏合何能為蘊古素謂廟議咸許其來也意得甚卒聞此語大駭失色遽曰某意無他此萬人家口皆不來必不為吾用不如乘其未定挾去為一拍事幸成猶不可知耳文惠顧諸公曰已得知通判之言是矣此萬人固不留獨不知通判盛眷今在何所時蘊古家在幽燕自知失言內惕不得對比茶甌至戰灼不復能執幾墮地遂退諸公猶不然然迄得不遣既踰月張忠獻奏改倅太平州往來都督府稟議軍事後數載蘊古私使其僕駱昂北歸有告者及搜所遣家訖則皆刺朝廷機事也乃伏其誅於是始服文惠之先識焉初吳山有伍員祠瞰闔閭都人敬事之有富民捐貲為扁額金碧甚侈蘊古始至輒乞靈焉妄謂有心諾輟俸易牌而刻其官位姓名于旁市人皆驚曰以新易舊惡其不華耳易之而不如其舊其意果何在有右武大夫魏仲昌者獨曰是不難曉他人之歸正者僥倖官爵金帛而已蘊古則真細作也夫謀之入境不止一人榜其名所以示踵至者欲其知已至耳聞者憮然不信後卒如言

余嘗謂納降非上策見于前錄吳畏齋啟文惠之謀國可以言智矣仲昌一武弁乃能逆見姦人之情其才亦有足稱者今世殆不多見也

紹興壬午春南北既交兵蜀宣撫使吳玠謀取夔使大將姚仲攻大散關不下仲久于軍妄謂軍士不用命實賞給之薄故功其弗成王參預之望時總軍賁仲之幕屬曰宋綬嘗登門焉以書抵之曰先生以博大高明之學當艱難險阻之時凡百施設莫非經久顧茲全蜀久賴綏撫雖三邊用兵之際無征輸重困之勞自非先生以體國愛民為念何以及此天下之勢固不兩立者兵與民是也兵不可不費財而責其萬死之功民不可不出財而濟其一時之急此天下之通理也先生深知兵民兩相為用之策聞蜀民自軍興之後恬然自安不有用兵之費先生恩德固亦大矣然有可言者綬為先生門下士豈敢自隱且時異事異固宜改更不可執一自虜人九月六日叩關于時事出倉卒諸將云大軍一出必遂破敵初宣撫吳公自謂可以兩月為期必能克敵既而虜壁愈堅相持已踰四月矣將帥牽制久未成功兵不可不謂之暴露如今日事勢與前日不同先生當相時之宜以取必勝茲其時也聞之諸軍聞志不銳戰心不壯且曰使我力戰就能果立微勞其如賞給在何處伺候覈實保